



## СЭЛЭНГЭ АЙМАГ ДАХЬ ТӨРИЙН АУДИТЫН ГАЗАР

213200 Сэлэнгэ аймаг, Сүхбаатар сум  
Цагаан Эрэг II баг  
Утас: 7036-3040 Факс: (976)-7036-3040  
E-mail: Selenge@audit.gov.mn

Г СЭЛЭНГЭ АЙМГИЙН ИРГЭДИЙН  
ТӨЛӨӨЛӨГЧДИЙН ХУРЛЫН  
СОНГУУЛЬД БИЕ ДААН НЭР ДЭВШИГЧ  
ШИЙТЭРИЙН ОТГОНБАЯР ТАНАА

2020.09.03 № 02A-2020/06-НЭ-49  
танай -ны № -т

### Г Сонгуулийн мөрийн хөтөлбөрийн дүгнэлт

Төрийн аудитын тухай хуулийн 6 дугаар зүйлийн 6.3, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5-д заасан Төрийн аудитын байгууллагын бүрэн эрхийн хүрээнд Сэлэнгэ аймгийн иргэдийн Төлөөлөгчдийн Хурлын сонгуульд Сүхбаатар сумаас бие даан нэр дэвшигч Шийтэрийн Отгонбаярын мөрийн хөтөлбөрийг хянаж, дүгнэлт гаргалаа.

#### Үүрэг хариуцлагын талаарх мэдээлэл

Сэлэнгэ аймгийн иргэдийн Төлөөлөгчдийн Хурлын сонгуульд Сүхбаатар сумаас бие даан нэр дэвшигч Ш.Отгонбаяр нь сонгуулийн мөрийн хөтөлбөрөө Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль болон "Алсын хараа-2050"-д нийцүүлэн боловсруулж, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцооны хамт ирүүлж, хуульд заасны дагуу дүгнэлт гаргуулах үүрэг хүлээнэ.

#### Сонгуулийн мөрийн хөтөлбөрийн дүгнэлтийн үндэслэл

Сэлэнгэ аймаг дахь Төрийн аудитын газар нь аймгийн иргэдийн Төлөөлөгчдийн Хурлын сонгуульд бие даан нэр дэвшигчийн сонгуулийн мөрийн хөтөлбөрийг хянан үзэхдээ Төрийн аудит MNS 6817-1:2020 Тулгуур зарчим, Төрийн аудит MNS 6817-6:2020 Нийцлийн аудитын зарчим, Төрийн аудит MNS 6817-8:2020 Нийцлийн аудит стандартыг удирдлага болгон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Монгол Улсын нэгдсэн төсвийн 2020 оны төсвийн хүрээний мэдэгдэл, 2020-2022 оны төсвийн төсөөллийн тухай хууль болон "Алсын хараа-2050" холбогдох бусад байгууллагаас авсан мэдээллийг шалгуур болгосон.

## Дүгнэлт

Бие даан нэр дэвшигч Ш.Отгонбаярын Сэлэнгэ аймгийн иргэдийн Төлөөлөгчдийн Хурлын сонгуульд оролцохоор ирүүлсэн сонгуулийн мөрийн хөтөлбөр, түүнд орсон зорилт, арга хэмжээ нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.3 дахь хэсэг, “Алсын хараа-2050”, Төсвийн тогтвортой байдлын тухай хуульд заасан тусгай шаардлагад тус тус нийцсэн байна.

Бие даан нэр дэвшигч Ш.Отгонбаярын мөрийн хөтөлбөр /..... хуудас/-ийг хавсаргав.

Хувийг: Сэлэнгэ аймгийн Сонгуулийн хороонд

ДАРГА, ТЭРГҮҮЛЭХ АУДИТОР

Ч.ЭНХТУЯА




СЭЛЭНГЭ АЙМГИЙН ИРГЭДИЙН ТӨЛӨӨЛӨГЧДИЙН  
ХУРЛЫН 2020 ОНЫ СОНГУУЛЬД БИЕ ДААН НЭР ДЭВШИГЧ  
ШИЙТЭРИЙН ОТГОНБАЯРЫН МӨРИЙН ХӨТӨЛБӨР

**Зорилго :** Аймаг, иргэд, олон нийтийнхээ төлөө үнэнч, шударга сэтгэлтэй байж төрийн үйлчилгээг нийгмийн бүх салбар, айл өрх бүрд хүртээх тэгш бус байдлыг арилган, аймаг, сум, багийн хөгжил, айл өрхийн амьдралын чанарыг дээшлүүлэх.

АЙМГИЙН ЗДТГ БОЛОН БУСАД ХЭЛТЭС, АЛБАДЫН ҮЙЛ АЖИЛЛАГААГ ЗӨВХӨН БАЙГУУЛЛАГАД БУС ИРГЭД, ОЛОН НИЙТ ХУВИЙН ХЭВШЛИЙН АЖ АХУЙН НЭГЖҮҮДИЙН ҮЙЛ АЖИЛЛАГААНД ХАНДУУЛАН АЖИЛЛУУЛАХ САНАЛ САНААЧИЛГА ГАРГАН БОДЛОГО ЧИГЛЭЛИЙГ БОЛОВСРУУЛЖ, ХЭРЭГЖҮҮЛЭХ АЖЛЫГ ЗОХИОН БАЙГУУЛНА. ҮҮНД:

- Төр төсвийн байгууллагуудын ажлын давхцалыг арилгах.
- Эмнэлгийн хяналтад байвал зохих иргэдийг хяналтад бүрэн хамруулах.
- Ажилгүйдлийг бүртгэх бус ажилтай болгох, халамж, татвар, нийгмийн даатгалаас ард иргэд, аж ахуйн нэгжид хүртээх хөнгөлөлт, чөлөөлөлт, тэтгэмж урамшуулал зэргийг жигд шударга, хүртээмжтэй байлгах.
- Төр төсвийн байгууллагуудын үйл ажиллагаанд иргэдийн зүгээс хяналт тавих ажлыг зохион байгуулж, хэрэгжүүлэх.
- Аймаг, сумын төрийн захиргааны байгууллагад хувийн хэвшлийн аж ахуйн нэгжүүдийн ажил асуудал хариуцсан нэгжтэй болгох.
- Хувийн хэвшлийн аж ахуйн нэгжийн үйл ажиллагаанд тавих хяналт шалгалтыг аймгийн хэмжээний нэгдсэн хяналт, шалгалтын жилийн төлөвлөгөөтэй ажиллуулах.
- Салбар салбарын хувийн хэвшлийн аж ахуйн нэгжүүдийн үйл ажиллагааг дэмжиж, дүрэм журмыг сайжруулан мөрдүүлэх, хэрэгжүүлэх.
- Баг бурийг цэцэрлэгжүүлэлт, тохижилт, хог, гэрэлтүүлэг зэрэг ажлыг хариуцсан ажилтантай болгож, ажлыг нь сар бүр дүгнэн ажиллуулах.
- Сум багийн ядуу иргэдийн судалгааг холбогдох байгууллагуудтай хамтран гаргаж, төрөөс олгож буй халамж, тэтгэмжийг жигд шударга хүртээлгэх.
- Сурлага сайтай боловч амьдралын боломжгүйгээс цаашид суралцах боломжгүй хүүхдүүдийн судалгааг холбогдох байгууллагуудтай хамтран гаргаж цаашид суралцуулах нөхцөл боломжоор хангах.
- Төрөөс хэрэгжүүлж буй хөтөлбөрүүдийн хэрэгжилтэд иргэдээс тавих хяналтыг сайжруулан жигд ялгаваргүй олгуулах.

Мөрийн хөтөлбөр боловсруулсан:

  
2020-07-20

Ш.Отгонбаяр